

8. Satisfactio est prior pars Sacerdotii Christi, quæ Deo persolvit pretium sufficiens pro peccatis totius generis humani, eidemque justitiam & vitam æternam acquisivit. 1. Joh. 11. 1. 4.

9. Quæ satisfactio spectatur, tum in Impletione legis divinæ Matth. V. 17. Rom. 8. 4. Gal. IV. 4. Rom. 8. 19. tum in perpeffione pœnarum peccatis debitarum.

10. Quæ integra Christi Obedientia credentibus imputatur ad justitiam.

11. Intercessio Christi est, quæ Christus Sacerdos pro nobis interpellat apud Deum, propter meritum & satisfactionem suam. Hæc enim est illius fundamentum, quia oportuit satisfieri justitiæ divinæ.

12. Quæ est generalis, pro toto humano genere. Specialis & plane paterna pro fidelibus suis & dilectis liberis. Joh. XVII.

13. Officium Regium est, quo Christus *Iesus Christus* gubernat omnia in celo & in terra, & in primis Ecclesiam.

14. Regnum Christi in hac vita vocatur potentia & gratia.  
15. Regnum potentia spectat ad omnes creaturas, Gratia ad Ecclesiam & fideles homines.

16. In altera vita est regnum justitiæ & gloriæ; quod conspicitur in excitatione Mortuorum, & universali iudicio, tum impiorum ad damnationem, tum piorum ad æternam beatitudinem.

17. Restat ut disseramus de duobus statibus Christi nempe de Exinanitione & exaltatione.

18. Exinanitio est Jesu Christi *Iesus Christus* informa servili humilis subjectio & obedientia usque ad mortem crucis.

19. Exaltatio est Christi ex mortuis resuscitati eVectio per ascensionem ad celos, ut sedeat ad dextram Patris & perpetuo regnet & dominetur omnibus Creaturis &c.

20. Utraque Christo competit secundum naturam assumptam.

21. Error non est ferendus, docere Christum sua obedientia sibi promeritum esse divinam potestatem.

22. Christus internus externo non debet contradistingui; neque hodie verè & propriè in nobis concipitur, formatur, nascitur, patitur aut moritur Hebr. IX. 26. \*

23. Ipsa redemptio semel est facta extra nos per ipsius Mediatoris meritum; nobis autem in justificatione & non in sanctificatione aut renovatione applicatur, Eph. I. 7. Ebr. IX. 22. \* 24.